



## URED PREDSEDNIKA I DOPREDSJEDNIKA

Broj:01-4-01-4-933/24

Sarajevo, 16.09.2024. godine

### **Poziv bh. kompanijama za dostavu aplikacija za dodjelu donacije u okviru programa podrške pojedinačnim nastupima na međunarodnim sajmovima u inozemstvu**

Poštovani,

Vanjskotrgovinska/Spoljnotrgovinska komora Bosne i Hercegovine poziva sve zainteresirane kompanije iz Bosne i Hercegovine da pošalju svoju aplikaciju za **dodjelu donacije u okviru programa potpore pojedinačnim nastupima na međunarodnim sajmovima u inozemstvu.**

Cilj programa je podržati individualno predstavljanje bosanskohercegovačkih kompanija na specijaliziranim međunarodnim sajmovima na ciljnim tržištima.

#### **Kriteriji za aplikante:**

- Donacija se može dodijeliti kompaniji koja redovno plaća članarinu VTK/STK BiH. Pod redovnim plaćanjem članarine podrazumijeva se izmirenje obveza po osnovu članarine zaključno s 2023. godinom i dospjele obveze za 2024. godinu.
- Kompanija koja je u 2024. godini ostvarila subvenciju Komore po drugom osnovu (grupni nastupi na sajmovima, poslovne misije i sl.) može dobiti donaciju do 50% iznosa dodijeljenog po osnovu ovog poziva.
- Za donaciju mogu aplicirati sve bh. kompanije koje su realizirale ili će realizirati individualni nastup na nekom međunarodnom sajmu u inozemstvu u razdoblju **od 01.01. do 31.12.2024. godine.**
- Pojedinačni iznosi donacije mogu biti:
  1. Za gospodarska društva koja su u 2023. godini uplatila ukupni iznos članarine od najmanje 10.000,00 KM ili više, donacija iznosi:
    - a) do 3.500,00 KM za nastupe na sajmovima u zemljama bivše Jugoslavije + Albanija
    - b) do 10.000,00 KM u ostalim zemljama svijeta (osim zemalja pod a )
  2. Za gospodarska društva koja su u 2023. godini uplatila ukupni iznos članarine u iznosu između 3.000,00 – 10.000,00 KM, donacija iznosi:
    - a) do 2.500,00 KM za nastupe na sajmovima u zemljama bivše Jugoslavije + Albanija
    - b) do 8.000,00 KM u ostalim zemljama svijeta (osim zemalja pod a )
  3. Za gospodarska društva koja su u 2023. godini uplatila ukupni iznos članarine do 3.000,00 KM, donacija iznosi:

- a) do 1.500,00 KM za nastupe na sajmovima u zemljama bivše Jugoslavije + Albanija
- b) do 5.000,00 KM u ostalim zemljama svijeta (osim zemalja pod a )

Obračun i isplate donacija izvršit će se na kraju godine proporcionalno broju gospodarskih društava koja ispunjavaju propisane kriterije i obimu raspoloživih sredstava koji ukupno iznosi 150.000,00 KM.

**Uvjeti i procedura dodjele financijske potpore odabranim kompanijama:**

- Donacije se dodjeljuju isključivo za sljedeće troškove:
  - zakup prostora na sajmu (uključujući obvezne popratne usluge);
  - uređenje prostora
- Donacije će odabranim kompanijama biti uplaćene na njihov račun retroaktivno, tj. nakon završenog nastupa na sajmu i nakon dostave tražene dokumentacije (Izvještaj o rezultatima nastupa, fotografije sa sajma, fakture i dokazi o uplati zakupa i uređenja prostora, popunjen Zahtjev za donaciju).

**Prijave i selekcija aplikanata:**

Prijava obvezno sadrži:

- Aplikacioni obrazac (Prilog 1)
- Rješenje o registraciji i razvrstavanju djelatnosti (kopija)

Aplikacioni obrazac s pratećom dokumentacijom dostavlja se osobno ili putem pošte, u zatvorenoj i zapečaćenoj kuverti s naznakom: **”Prijava za projekt „Podrška individualnim nastupima na međunarodnim sajmovima“ – NE OTVARATI.**

Prijave je potrebno dostaviti na adresu:

**Vanjskotrgovinska/ Spoljnotrgovinska komora BiH, Branislava Đurđeva 10, 71000 Sarajevo.**

Rok za dostavu aplikacije je: **petak, 11.10.2024. godine u 15,00 sati.**

Pristigle aplikacije razmatrat će Komisija za odabir aplikanata. Aplikacije koje ne sadrže navedene elemente, smatraju se nepotpunim i neće biti uzete u razmatranje. Svi aplikanti će blagovremeno biti obaviješteni o rezultatima izbora.

Za eventualna pitanja i dodatna pojašnjenja vezano za ovaj poziv, kontakt osoba je Tarik Kovač, tel: 033 566 235, e-mail: [tarik.kovac@komorabih.ba](mailto:tarik.kovac@komorabih.ba).

S poštovanjem,



Prilog 1. Aplikacioni obrazac

